

文苑英華卷第三百十一

詩一百六十一

君處一



上陽宮二首

九成宮二首

華清宮十一首

宮十七首



苑三首

殿六首

樓十首

上陽宮

上陽宮

王建

上陽花木不曾秋  
洛水穿宮處處流  
畫閣紅樓宮女笑  
玉簫金管路人愁  
幔城入澗橙花發  
玉輦登山桂葉稠  
曾讀列仙王母傳  
九天未勝此中遊



同前

羅鄴

春半上陽花滿樓。太平天子昔巡遊。千門雖列高山在，一笑還隨洛水流。深鎖笙歌巢燕聽，遙瞻金碧路人愁。翠華却返昇仙去，長使宮娥望不休。

九成宮

夏晚九成宮呈同寮

李嶠

碣館分襄野，平臺架射峯。英藩信煇燁，勝地本從容。林引梧庭鳳，泉歸竹沼龍。小軒恒昔處，長坂屬相從。野席蘭琴奏，山臺桂酒濃。一稔移晷景，六著盡宵疑作盡宵鍾。枚藻清詞律，鄒譚曜辨鋒。結歡良有裕，聯采愧無庸。慙悅丘中賞，還希物外蹤。風煙遠近至，魚鳥去來逢。月澗橫千丈，雲崖列

萬重樹。紅山菓熟岸綠水苔濃。願以西園柳長間，北巖松

九成宮

杜甫

蒼山入百里，崖斷如杵臼。曾宮憑風迴，岌業土囊口。立神扶棟梁，鑿翠開戶牖。其陽產靈芝，其陰宿牛斗。紛披長松倒，揭嶂怪石走。哀猿啼一聲，客淚迸林藪。荒哉隋家帝，製此今頽朽。向使國不亡，焉為巨唐有。雖無新增修，尚置官居守。巡非遙水遠，跡是雕墻後。我行集作來屬時危，仰望嗟嘆久。天王守一作侍太白，駐馬更搔首。

華清宮

蚤秋望清宮中樹以成詠

集作因以成詠

盧綸

可憐雲木叢，滿禁碧濛濛。色潤虛泉近，陰清輦路通。玉壇



標八桂金井識雙桐交映凝寒露相和起夜風數枝盤石  
上幾葉落雲中燕拂宜秋霽蟬鳴覺晝空翠屏更隱見珠  
綴共玲瓏雷雨生成早樵蘇禁令雄野藤高助綠仙果迴  
呈紅惆悵繚垣暮茲山聞暗蛩

唐泉集  
作靈泉

華清宮感舊

王建

塵到朝元天

一作火照  
中原邊

使急千官夜發六龍迴輦前月照

羅衣

一作  
衫

淚宮裏

一作  
馬上

風吹蠟燭灰公主粧樓金鎖溢貴

妃湯殿玉蓮開有時雲外聞天樂即

集作知  
又作應

是先皇沐浴

來

華清宮三十韻

杜牧

繡嶺明珠殿層變下繚壇仰窺雕

一作  
舟

檻影猶想赭袍光

昔帝登封後中原自古強一千年際會三萬里農桑几席

延堯舜軒墀立

集作  
接

禹湯雷霆驅號令星斗與文章鈞築

乘時用芝蘭在處芳北扉閑木索南面富循良至道思玄

圃平居厭未央鈞陳裏巖谷文陛壓青蒼歌吹千秋節樓

臺八月涼神仙高縹緲環珮碎釘鑪泉暖潏牕鏡雲嬌惹

粉囊嫩嵐滋翠葆清渭照紅粧帖泰生靈壽歡娛歲序長

月開仙曲調霓作舞衣裳雨露偏金穴乾坤入醉鄉玩兵

師漢武迴首倒千將鯨鬣掀東海胡牙揭上陽喧呼馬嵬

血零落羽林槍傾國留無路還魂怨有香蜀峯橫慘淡秦

樹遠微茫鼎重山難轉天扶業更昌望賢餘故老花萼舊

池塘往事人誰問幽襟浹獨傷碧簷斜送日殷葉半凋霜



迸水傾瑤砌，疎風罽玉房。塵埃羯鼓索，片段荔枝筐。鳥啄摧寒木，蝸涎盡畫梁。孤煙知客恨，遙起泰陵傍。

同前

許渾

樓閣參差倚太陽，年年花發滿山香。重門閑鎖青山晚，深院垂簾白日長。草色芊綿侵御路，蟬聲嗚咽遶宮牆。先皇一去無回駕，紅粉翠鬟空斷腸。

望華清宮感事

前人

聞說先皇看碧桃

集作醉

日華搖動

集作浮艷

鬱金袍風隨玉輦

笙歌迴雲捲珠簾，劍珮高雙鳳

集作鳳駕

北歸山寂寂，六龍西

去

集作龍旗西幸

水滔滔，娥眉沒後巡遊少，瓦落宮牆見野蒿。

華清宮二首

李商隱

華清思恩辛古無倫，猶恐娥眉不勝人。未免被他褒女笑，只教天子暫蒙塵。

二

朝元閣轉羽衣新，首按昭陽第一人。當日不來高處舞，可能天下有胡塵。

過華清宮二十二韻

溫庭筠

憶昔開元日，承平事勝遊。貴妃專寵幸，天子富春秋。月白霓裳殿，風乾羯鼓樓。鷄花蔽膝騎，馬王搔頭繡。轂千門

妓，金鞍萬戶侯。薄雲欺

集作歌

雀扇，輕雪犯貂裘。過客聞韶

濩，居人識冕旒。氣和春不覺，煙煖霽難收。澁浪和瓊甃

集作

怨浪溼

晴陽上綵遊，卷衣輕鬢懶，窺鏡淡蛾羞。屏掩芙蓉



帳簾寒瑋琯鈞重瞳分涓曲纖手指神州御案迷萱草天  
袍妬不榴深巖藏浴鳳鮮隰媚潜虬不料邯鄲蝨俄成即  
墨牛劔鋒揮太皞旗焰拂蚩尤內嬖陪行在孤臣預坐籌  
瑤簪遺翡翠霜仗駐驂騶艷笑雙飛斷香魂一哭休早梅  
悲蜀道高樹隔昭丘朱閣重霄近蒼崖萬古秋至今湯殿  
水鳴咽一作惆悵縣前流

華清宮和杜舍人

張祜

五十年天子離宮仰峻集作舊務墻登封時正泰御宇日何集作  
初長上位先名實中興事憲章起集作戎輕甲冑餘地復  
集作取 河湟道帝玄元祖儒封孔子王因緣百司署聚會一  
人湯渭水波搖綠秦郊集作草半黃馬馴金勒細鷹健王

絲綉集作馬頭開夜照鷹眼利星芒下箭朱弓滿鳴鞭皓腕攘攸思獲呂

望諫祗避周昌免跡貪前逐梟心不早防幾添鸚鵡歡先

集作賜荔枝嘗月鎖千門靜天吹集作一笛涼細音搖羽

集作珮輕步宛霓裳基集作潜結昇平意遽忘衣冠逃犬虜

鞞鼓動魚陽外戚心殊迫中途事可量血集作埋妃子豔

集作刁斷祿兒腸近侍煙塵隔前蹤輦路荒益知迷寵佞

遺集作恨喪賢集作良北闕尊明主南宮遜上皇禁清餘

鳳吹池冷睡集作龍光祝壽山猶在流年水共傷杜鵑魂

厭蜀蝴蝶夢悲莊雀外遺雕棋蟲絲骨畫梁紫苔侵壁潤

紅樹閉門芳守吏齊鴛瓦耕民得翠璫登年昔酺樂集作

集作講武舊兵場暮草深巖翠集作幽花墜逕香不堪垂



白叟行折御溝楊

華清宮二首

前人

風樹離離月稍明九天龍氣在華清宮門畫集作深鎖無人

覺半夜雲中羯鼓聲

二

天闊詩選作闊沉沉夜未央碧雲仙曲下霓集作舞裳一聲

玉笛向空盡月滿山中集作驪山宮漏長

宮

贈許左丞從駕萬年宮

盧昭隣

聞道上之迴詔驛下蓬萊中樞移北斗左轄去南臺黃山

聞鳳吹清暉侍龍媒日朱旗卷參雲金障開朝參五城

柳夕宴栢梁杯漢時荒如月秦祠聽似雷寂寂芸香著離

思獨悠哉

王華宮

杜甫

溪回松風長蒼鼠窺古瓦不知何王殿遺構絕壁下陰房

鬼火青壤道哀湍瀉萬籟真竽瑟集作笙秋光極集作秋色正蕭

灑美人為黃土况乃粉黛假當時侍金輿故物獨石馬憂

來籍草坐浩歌淚盈把冉冉征途問誰是長年者

南原望漢家宮

司空曙

荒原空有漢宮名衰草茫茫雉堞平連鴈下時秋水在行

人過盡暮煙生西陵歌吹何年絕南陌登臨此日情故事

悠悠不可問寒禽野水自縱橫

一作



隋宮

鮑溶

御街行客路

集作行客

行客悲春風野老幾代人種田煬帝宮

零落池臺勢高低禾黍中

吳宮

殷堯藩

吳王愛歌舞夜夜醉婵娟見日吹紅燭和塵掃翠鈿徒令  
勾踐霸不信子胥賢莫問長洲草荒涼無限年

古行宮

章孝標

瓦煙疎冷古行宮寂寞朱門反鎖空殘粉水銀流砌下墮  
環秋月落泥中鴛鴦傳舊語嬌春日花學嚴粧妬曉風天子  
時清不巡幸祇應鸞鳳集梧桐

溫泉宮

王建

十月一日天子來青繩御路無塵埃宮前內裏湯各別每  
箇白玉芙蓉開朝元閣向山上起城繞青山龍暖水夜開  
金殿看星河宮女知更明月集作明月裏武皇得仙王母去山  
鷄晝鳴宮中樹溫泉泱泱出宮流宮使年年修玉樓禁兵  
除集作去盡無射獵日西麋鹿登城頭梨園弟子偷曲譜頭  
白人問教歌舞

古

集作故

行宮

前人

寥落古行宮宮花寂寞紅白頭宮女在閑坐說玄宗

和李司勳過連昌宮

韓愈

夾道疎槐出老根高甍巨桶壓山原宮前遺老來相問今  
是開元幾葉孫



陳後宮二首

李商隱

茂苑城如畫閭門瓦欲流還依水光殿更起月華樓侵夜  
鸞開鏡迎冬雉獻裘從臣皆半醉天子正無愁

二

漢武開新苑龍舟燕幸頻渚蓮參法架沙鳥犯勾陳壽獻  
金莖露歌翻玉樹塵夜來江令醉別詔宿臨春

隋宮

前人

紫泉宮殿鎖煙霞欲取蕪城作帝家玉璽不緣歸日角錦  
帆應是到天涯于今腐草無螢火終古垂楊有暮鴉地下  
若逢陳後主豈宜重問後庭花

楚宮二首

前人

複壁交青鎖重簾掛紫繩如何一柱觀不礙九枝燈翳薄  
常窺月釵斜只鏤冰歌成猶未唱秦火入夷陵

二

湘波如淚色溼溼楚厲迷魂逐恨遙楓樹夜猿愁自斷女  
蘿山鬼語相邀空歸腐敗猶難復更困腥臊豈易招但使  
故鄉三戶在絲絲誰惜懼長蛟

深宮

前人

金殿銷香閉綺櫳玉壺傳點咽銅龍狂飈不惜蘿陰薄清  
露偏知桂葉濃班竹嶺邊無限淚景陽宮裏及時鍾豈知  
爲雨爲雲處祇有高唐十二峯

漢宮

前人



通靈夜醮達清晨承露盤晞甲帳春王母西歸方朔集作何處  
去更須重見李夫人

蘭昌宮

劉駕

宮蘭非瑤草安得春常在迴首春又歸翠葉不能待悲風  
生輦路山川寂已晦邊恨在行人行人無盡歲

苑

奉和立春遊苑

盧藏用

天遊仰疑輦駐城闈上苑遲光晚更新瑤臺半入黃山路  
玉檻傍臨玄灞津梅香欲待歌前落蘭氣先過酒上春幸  
預栢臺稱獻壽願陪千畝及農辰

同前

沈佺期

東郊暫轉迎春仗上苑初飛行慶盃風射蛟冰千片斷氣  
衝魚鑰九關開林中覓草才知荔雜詠作蕙殿裏爭花併是  
梅歌吹銜恩歸路晚棲鳥半下鳳城來

長洲苑吳黃武中此地校獵

孫逖

吳王初鼎峙羽獵騁雄才輦道閭門出軍容茂苑來山從  
列陣轉江自遶林回劒騎緣汀入旌門隔嶼開合離紛若  
電馳逐溢成雷勝地真人守歸舟漢女陪可憐夷漫處猶  
在洞庭隈山靜吟猿父城空應雉媒戎行委喬木馬跡盡  
黃埃攬涕問遺老繁華安在哉

殿

預麟趾殿校書和劉儀同

庾信



止戈興禮樂修文盛典謨壁開金石篆河浮雲霧圖芸香  
上延閣碑石向鴻都誦書徵博士明經拜大夫壁地寒水  
落學市舊槐枯初學記作高譚鸞白馬雄辨塞飛孤月落  
將軍樹風驚御史烏子雲猶初學記汗簡温舒正削蒲蓮  
雲雖有閣終欲想江湖

重陽殿成金石會竟上詩

張正見

周王興露寢漢后式其泉共知崇壯麗迢遞與雲連抗殿  
疏龍首峻階一作激天泉東西跨函谷左右囑伊瀍百常  
飛觀竦三休複道懸拱烏遙造日擗虬遠架煙雲棟疑飛  
雨風窓似望仙玉女臨方鏡金鐙映彩椽梅梁橫發藥玉  
井例披蓮榮光開御宿佳氣屬祈年霜鴈排空斷寒花映

日鮮負宸憑霄極台司列象躔登臺誼大厦御氣響鈞天  
北斗承三獻南風入五絃鸞歌鳩鵲右獸舞射熊前翔鶴  
仰不見建疑鸞雀徒聯翩

冬至乾陽殿受朝

隋煬帝

北陸隆一作冬盛南至晷漏長端拱朝萬國守文繼百王

至德慙日用治道愧時康新邑建嵩嶽雙闕臨洛陽圭景

正八表道路均四方碧空霜華淨朱庭皎一作日光纓珮

既濟濟鍾鼓何鐺鐺文戟翊高殿彩毳分脩廊元首乏明

哲股肱資賢一作良舟楫佇一作有寄庶此王化昌

宣政殿退朝晚出左掖

杜甫

天門日射黃金榜春殿晴薰集作赤羽旗宮草霏霏集作



承委珮鑪煙細細駐遊絲雲近蓬萊常五集作好色雪殘鳩  
鵲亦多時待臣緩步歸青鎖退食從容出每遲

元日含元殿下立仗丹鳳樓門下宣赦相公稱賀

四字一作二首  
上相公

楊巨源

天垂台耀掃攬槍壽獻香山雜詠作祝聖明丹鳳樓雜詠作闕

前歌九奏金鷄竿下鼓千聲衣冠南面薰風動文字東方

喜氣生從此登封資廟略兩河連海一時清

二

臨軒啓扇似雲收率土朝天劇水流瑞色含春當正殿香  
煙捧日在高樓三朝氣蚤早迎恩澤萬歲聲長繞冕旒請問  
漢家功第一麒麟閣上識鄼侯

樓

奉和登北顧樓見一百日七十五卷

梁簡文帝

登烽火樓

同前

聳登柳類聚作樹出却堞帶江清陟峯試遠望鬱鬱盡郊

京萬邑王畿曠三條綺陌平亘原橫地險孤與派流生悠

悠歸棹入渺渺去帆驚水煙扶類聚作岸起遙禽逐霧征

登玄暢樓

沈約

危峯帶北阜高嶺出南岑中有陵風榭迴望川之陰崖險

每增減湍平互淺深水流本三派臺高乃四臨上有離群

客各有暮歸心落暉映長浦煥景燭中潄雲生嶺乍黑日

下溪半陰信美非吾土何事不抽簪



登陽雲樓

劉孝綽

吾王一作士陽臺上非夢高唐客回首望長安千里懷三益

顧惟慙入楚殊一作降私等申白西沮水潦收瑕一作照昭丘霜

露積龍門不可見空暮陵寒栢一作皆藝文類聚

和晚日登樓

劉綏

所以登臺榭正重接煙霞長絲觸欄斷歸鳥避窓斜俯巢  
窺暝宿臨檻摘高花百雉時方晚九層光尚賒

和侯司空登樓望鄉

陰鏗

懷土臨霞觀思歸想石門瞻雲望鳥道對柳憶家園寒田  
淵裏淨野日曉中昏信美今何益傷心自有源

秋日登廣州城南樓

江總

秋城韻晚笛危榭引淒風遠氣疑埋劍驚禽似避弓海樹  
一邊出山雲四面通野火初煙細新月半輪空塞外離群  
客顏鬢早如蓬徒懷建業水復想洛陽宮不及孤飛鴈獨  
在上林中

登東陽沈隱侯八詠樓

崔融

旦登西北樓樓峻石墉厚宛生長定缺俯壓三江口非階

街疑鳥衡交疏過牛斗左右會稽鎮出入具區藪越巖森

其前浙江漫其後此地定東陽由來山水鄉隱侯有遺詠

落簡尚餘芳具疑物昔未改斯人今已亡粵余添藩左東

髮事文場悵不見夫子神期遙相望

登澤州城北樓宴

陳子昂



平生倦遊者觀化久無窮復來登此國臨望與君同坐見  
秦兵壘遙聞趙將雄武安君何在長平事已空且歌玄雲  
曲街酒舞薰風勿使青衿子嗟爾白頭翁

登薊立樓送賈兵曹入都

前人

東山宿昔意北征非我心孤負平生願感涕下霑襟暮登  
薊樓上未望燕山岑遼海方漫漫胡沙飛且深蛾眉杳如  
夢僊子曷由尋擊劍起嘆息白日忽西沉聞君洛陽使因  
子寄南音

校正九十六字

五月二十九日游頤和園回校記

文苑英華卷第三百十一

文苑英華卷第三百十二

詩一百六十二

居處二

樓七十一首

登瀛洲南城樓寄遠

沈佺期

層城起麗譙憑覽出重霄茲地多形勝中天宛寂寥四榮  
摩鶴鶴百拱厲風飈北盡集作燕王館東餘秦帝橋晴光  
七郡蒲春色兩河遙傲睨集作非吾土躊躇適遠囂離居  
欲有贈春草寄長謠傲倪集作

江樓夕望

崔湜

試陟江樓望悠悠去國情楚山霞外斷漢水月中平公子  
留遺邑夫人有舊城蒼蒼煙霧裏何處是咸京



江樓有懷

前人

子牟懷魏闕元凱滯襄城冠蓋仍為缺池臺尚識名山光  
晴後綠江色晚來清為問東流水何時到玉京

春日登樓野望

薛稷

憑軒聊一望春色幾分非野外煙初合樓前花正飛  
嬌鶯弄新響斜日散餘暉誰忍孤遊客言念獨依依

登城樓望西山作

張九齡

城樓枕南浦日夕顧西山宛宛鸞鶴處高高煙霧間  
仙井今猶在洪崖久不還金編莫集作惟我授羽駕亦誰攀  
簷際

千峯遠雲中一鳥閑縱觀窮水國遊思遍人寰勿復塵埃

事歸來且閉關

登荊州城樓作

前人

天宇何其曠江城坐自拘層樓百餘尺迢迢在西隅  
暇日時登眺荒郊臨故都纍纍見陳迹寂寂想雄圖  
古往山川在今來郡邑殊北疆雖入鄭東距豈防吳  
幾代傳荆國當時敵如郢上流空有處中土復何虞  
枕席夷三峽關梁豁五湖承平無異境守隘莫論夫  
自罷金門籍來參竹使符端居向陵集作林藪微景集作尚在桑榆  
直似玉陵蕙非如甯武愚今茲對南浦乘鴈與雙鳧

秋晚登樓南江入始興郡路

前人

潦收沙衍出霜降天宇晶伏檻一長眺津塗多遠情  
思來江山外望盡煙雲生滔滔不自辨役役且何成  
我來颺衰



鬢孰云飄華纓櫪馬苦蹉跎籠禽念遐征歲陰生集作晚  
晚日夕集作夕空屏營物生貴得性身累由近名內顧覺今  
是追歎何時平

登郡城南樓作

前人

閉閣幸無事登樓聊末日雲霞千里開洲渚萬形出澹澹  
澄江漫飛飛度鳥疾邑人半鱸鱸津樹多楓橘感別時已  
屢憑眺情非一遠懷不我同孤興與誰悉平生本單緒邈  
近承優秩謬忝爲邦寄多慙理人術駕鉛雖自勉倉廩素  
非實陳力儻無效謝病從芝朮

登河北城樓

王維

井邑傳巖上客亭雲霧間高城眺落日極浦映蒼山岸火  
孤舟宿漁家夕鳥還寂寥天地暮心與廣川閑

和使君五郎西樓望遠思歸

前人

高樓望所思極目情未畢枕上見千里窓中窺萬室悠悠  
長路人暖暖遠郊日惆悵極浦外迢迢孤煙出能賦屬上  
才思歸同下秩故鄉不可見雲水空如一

登萬歲樓

孟浩然

萬歲樓頭望故鄉獨憐鄉思更茫茫天寒鴈度堪垂淚月  
落烏啼欲斷腸曲引古堤臨凍浦斜分遠岸近枯楊今朝  
偶見同袍友却喜家書寄一行

岳陽樓

已見二百五十五卷

前人

與杭州薛司戶登梓亭樓作

前人



水樓一登眺半出青林高爽一作帝幕英寮敞芳筵下客叨

山藏伯禹穴城壓伍胥濤今日觀溟漲垂綸學釣鰲

夜登孔伯昭南樓時沈太清朱昂在座 前人

誰家無風月此地有琴樽山水會稽郡詩書孔氏門再來

值秋杪高閣開無喧華燭罷燃蠟清絃方奏鷓沈生隱侯

胤朱子買臣孫好我意不淺登茲共集作同話言

泗上馮使君南樓作 祖詠

井邑連淮泗南樓向晚過望灘沙鷺起尋岸浴童歌近海

雲偏出蕪秋雨更多明晨擬回棹鄉思恨風波

揚子江樓 孫逖

揚子何年邑雄雄作缺關江連一妃渚雲近八公山驛道

青楓外人煙綠嶼間晚來潮正出浦數處落帆還

登岳陽樓望洞庭 杜甫

昔聞洞庭水今上岳陽樓吳楚東南折乾坤日夜浮親朋

無一字老病有孤舟戎馬關山北凭軒涕泗流

登兗州城樓 前人

東郡趨庭日南樓縱目初浮雲連海岱平野入青徐孤障

秦碑在荒城魯殿餘從來多古意臨眺獨躊躇

題新津北橋樓得郊字 前人

極望春城上開筵近鳥巢白花簷外朶青柳檻前積池水

觀為政厨煙覺遠庖西川供醉客集作客眼唯是集作有此江郊

與夏十二登岳陽樓 李白



樓觀岳陽近川迴洞庭開鴈別秋江去集作鴈引山街好

月來雲間逢下榻天上接行杯醉後涼風起吹人舞袖回

登錦城散花樓

前人

日照錦城頭朝光散花樓金牕夾繡戶珠箔懸瓊鈎飛梯

綠集作綠緣雲中極目散我愁集作憂暮雨向三峽春江繞雙流

今夜一登望如上九天遊

魯中都東樓醉後

前人

昨日東樓醉集作城飲還應集作歸來倒接惟阿誰扶上馬不省下

樓時

自廣平乘醉走馬六十里至邯鄲登城樓覽古書

懷

前人

醉騎白花馬西走邯鄲城楊鞭動柳色馮鞞春風生入郭

登高樓山川與雲平雄都半古冢一作深宮萬事傷人情

相如障華巔猛氣折秦嬴兩虎不可關廉公終負荆提携

袴中兒杵臼及程嬰立孤獻集作執就白刃必死耀丹城平原

三千客談笑盡雄集作豪英毛君能頽脫二國且同盟皆為

黃泉土使我涕縱橫磊磊石子崗蕭蕭白楊聲諸賢集作賢豪

沒此地碑版有殘銘太古共今時由來同集作五互衰榮傷哉

何足道感激仰虛集作抑空名趙倍愛長劍文儒少逢迎閑從

博徒集作陵非遊帳飲雪中集作朝醒歌酣易水動鼓振叢臺傾

日落把燭歸陵晨向燕京方陳五餌冊一使胡塵清

夕霽杜陵登樓寄常繇

前人



浮霽

集作陽

滅陽

集作霽

景萬物生秋容登樓送遠日伏檻觀

群峯原野曠超緬關河紛錯重清暉映水竹翠色明雲松

蹈河寄遐想還山迷舊蹤徒然迫秋集作暮未果諧心胸

採菊竟誰舉集作桂遊蘭集作折麻恨莫從思君達未夜長樂

聞踈鍾

題潼關樓

崔顥

客行逢兩霽歇馬上津樓山勢雄三輔關門扼九州川從

陝路去河遠華陰流向晚登臨處風煙萬里愁

題沈侯八詠樓

前人

梁日東陽守為樓望越中綠窓明月在青史古人空江靜

聞山狃川長數塞鴻登樓白雲晚流恨此遺風

登黃鶴樓

前人

昔人已乘白雲去茲地空遺黃鶴樓黃鶴一去不復返白

雲千載空悠悠晴川歷歷漢陽樹春草青青鸚鵡洲日暮

鄉關何處是煙波江上使人愁

萬歲樓

王昌齡

江上巍巍萬歲樓不知經歷幾千秋年年喜見山長在日

日悲看水獨流徬徨何曾離暮嶺鷓鴣空自泛寒洲誰堪

登望雲煙裏向晚茫茫發旅愁

芙蓉樓送辛漸長

前人

丹陽城東秋海深丹陽城北楚雲陰高樓送客不知醉寂

寂寒江明月心



宿杜判官江樓

即仕元

適楚豈吾願思歸秋向深故人江樓月永夜千里心落葉  
覺鄉夢啼鳥驚越吟寥寥更何有斷續空城砧

登無錫北樓

前人

秋興因危堞歸心過遠山風霜征鴈早江海旅人還驛樹  
寒仍密漁舟晚更閑仲宣何所賦秖歎在荆蠻

同温司徒登萬歲樓

皇甫冉

高樓獨上思依依極浦遙山涵詩選翠微江客不堪頻北  
望塞鴻何事獨詩選南飛維陽古渡寒煙積瓜步空洲遠

樹稀聞道王師猶轉戰誰能談笑解重圍蜀上獨集作維

陽集作聊陽

烏程水樓看別

皇甫曾

悠然千里去惜此一罇同客散高樓上帆飛細雨中川程  
隨遠水楚思望清風青風共說前期疑易滄波處處通

登觀雀樓

張當

迴臨飛鳥上高謝詩選作出世人間天勢圖平野河流入斷山

同前

王之渙

白日依山盡黃河入一作海流欲窮千里目更上一層樓

會稽郡樓雪霽

張繼

江城昨夜雪如花郢客登樓齊望華夏禹壇前仍聚玉西  
施浦上更飛沙簾櫳向晚寒風度睥睨初晴落景斜數處

微明銷不盡湖山清映越人家

一作重



登丹陽樓

前人

寒臯那可望旅客又初還迢迢高樓上蕭疎涼野間暮晴  
依遠水秋興屬連山浮客時相見霜凋朱翠顏

郢城西樓吟

連山盡寒水縈廻山上戍門臨水開朱欄直下一百丈日  
暖遊鱗自相向昔人愛險閉層城今人復愛閑江清沙洲  
楓岸無求客草綠花開山鳥鳴

馮翊西樓

前人

城上西樓倚暮天樓中歸望正悽然近郭亂山橫古渡野  
莊喬木帶新煙北風吹鴈聲能苦遠客辭家月再圓陶令  
好文常對酒相招缺伍字

晚登江樓有懷

李嘉祐

獨坐南樓佳興新青山綠水共爲隣爽氣遙分隔浦岫斜  
光偏照渡江人心閑鷗鳥時相近事簡漁竿私自親祗憶  
帝京不可到秋琴一弄欲沾巾

同孫構免官後登薊樓懷歸

張渭謂

昔在五一作平陵時年少心亦壯嘗矜有竒骨必是封侯相  
東走到滎州投身事邊將一朝去鄉國十載履亭障部曲  
皆武夫功成不相讓猶希虜塵動更取林胡帳去年大將  
軍一負樂生謗北別傷士卒南邊死炎瘴濩落悲無成行  
登薊丘上長安三千里日夕西南方疑寒沙榆塞沒秋水  
灣河漲策馬從此辭雲山保閑放



奉陪渾侍中五日登白鶴樓 盧綸

高樓倚玉梯朱檻與雲齊顧盼臨霄漢譚諧息鼓擊洪河

斜更直野雨急仍低今日陪樽俎還應醉似泥集作唯當醉作泥

九日奉陪渾侍中宴白鶴樓見二百卷前人

寵盛前篇作盛襲

九日奉陪令公登白鶴樓詠菊 前人

瓊樽有仙菊可以獻留侯願比三花秀非同百卉秋金英

分藥細玉露結房稠黃雀知恩在街飛亦上樓

九日同司直九叔崔侍御宴雜詠作登寶鷄南樓前人

把藥雜詠作菊歎將老上樓悲未還短長新白髮稠疊舊青山

霜氣清襟袖琴聲引醉閑竹林惟七友何幸亦登攀

九日奉陪渾侍中登白鶴樓 前人

碧霄孤鶴發清音上宰因添望闕心睥睨三層連步障茱

萸一朶映華簪紅霞似綺河如帶白露團珠菊散金此日

相從何所問儼然冠劍擁成林

登郡樓寄京師諸季淮南子第 常應物

初集作始罷永陽守復卧潯陽樓懸檻飄岑一作寒雨危堞浸

江流逮集作及茲聞鴈夜重憶別離秋徒有盈虧隔集作

樽集作酒百端鎮自憂集作鎮此百端憂

重陽登滄州城樓憶前歲九日歸灃城上赴崔都

水井集作及諸弟子讌集悽然懷舊 前人

今日重九讌去歲在京師聊回出雀步一赴郊園期佳節



始云邁周辰已逮集作及茲秋山滿清景富貴集作賞當屬乖離

凋殘集作散民里闢推翳眾木衰樓中一長嘯惻愴起涼颼

重陽日鄂城樓送屈突司直 劉長卿

登高復送遠惆悵洞庭秋風景集作水同前集作千古雲山蒲上

游蒼蒼來暮雨森森逐寒流今日關中事蕭何共爾憂

登僊仁樓訓子壻李穆 前人

臨風敞麗譙落日聽吹鏡歸路空回首新章已在腰非才

受官謗無政作人謠儉歲安三戶餘年寄六條春蕪生楚

國古樹過隋朝賴有東牀客池塘晚寂寥

九日題蔡國公主樓 前人

主第人何在重陽客暫尋水餘龍鏡色雲罷鳳簫音暗牖

藏昏旦蒼苔換古今晴山卷幔出秋草閉門深籬菊仍新

吐庭槐尚舊陰年年盡梁燕來去獨集作豈無心

和顏集作樊使君登潤州城樓 前人

山城迢迢敞高樓露冕吹鏡居上頭春草連天隨北望夕

陽浮水共集作向東流江田漠漠全吳地野樹蒼蒼故蔣州

王燦曾為南郡客別來無處更銷憂

同裴錄事樓上望 釋皎然

退食高樓上湖山向晚晴桐花落萬井月影出重城水竹

涼風起簾帟暑氣清蕭蕭獨無事因見蒞人情

九日陪顏使君真卿登水樓 前人

重陽荆楚尚高會此難陪偶見登龍客同遊戲馬臺風文



尚水疊雲態擁歌廻持菊煩相問捫襟愧不才

登潤州芙蓉樓

崔峒

上古人何在東流水不歸往來潮有信朝暮事成非煙樹  
臨沙靜雲帆入海稀郡樓多逸興良牧謝玄暉

同崔邠登鶴雀樓

李益

鶴雀樓前集作南百尺檣汀洲雲集作寒樹共茫茫漢家簫鼓

空流水魏國山河滿集作半夕陽事去千年猶恨促集作速愁

來一日即為集作知長風塵并在思鄉望集作風煙併遠目

非春亦自傷

登寧州城樓

楊巨源

宋玉本悲秋今朝更上樓清波城下去此意重悠悠晚菊

臨杯思塞山蒲郡愁故關非內地一為漢家羞

同薛侍御登黎陽縣樓眺黃河

前人

倚檻恣流目高城臨大川九回紆白浪一半在青天氣蕭

晴空外光翻曉日邊開襟值佳景懷抱更悠然

道州城北樓觀李花作

呂溫

夜疑關山月曉似沙場雪曾使西域來幽情坐超越將念

浩無際欲言亡所說豈是感懷抱人自憐孤節

道州秋夜南樓即事

前人

誰令獨坐愁昔日此南樓雲去舜祠閉月明瀟水流猿聲

何處曉楓葉蒲山愁不照匣中鏡少年看白頭

登咸陽北寺樓

張籍



高秋原上寺下馬一登臨渭水西來直集作急秦山南向集作  
去深舊宮人不見集作住荒碣路難尋日暮涼風起蕭條多  
遠心

登法雄寺東樓

前人

汾河舊宇今為寺猶有當時歌舞樓四十年來車馬客古  
槐深巷暮蟬愁

重到江州感舊遊題郡樓十一韻 白居易

掌綸知是忝剖竹信為榮才薄官仍重恩深責尚輕昔徵  
從典午今出自承明鳳詔休揮翰漁歌欲濯纓還乘小艫  
艇却到古湓城醉客臨江待禪僧出郭迎青山滿眼在白  
髮半頭生又校三年老何曾一事成重過蕭寺宿再上庾

一作  
樓

樓行雲水新秋思閭閻雜日情郡民猶認得司馬詠詩聲

江樓望歸時避難越地一作越中前人

滿眼雲水色月明樓上人旅愁春入越鄉夢夜歸秦道路  
遙荒服田園隔虜塵悠悠滄海畔十載避黃巾

一作  
通

晚登天雲寺南樓贈常禪師已見二百二十二卷前人

庾樓晚望 前人

獨憑朱檻立陵晨山色初明水色新竹霧曉籠街嶺月蘋  
風暖送過江春子城陰處猶殘雪衙鼓聲前未有塵三百  
年來庾樓上曾經多少望鄉人

題岳陽樓 前人

岳陽城下水漫漫獨上危樓凭曲欄春岸綠時連夢澤夕



陽集作波紅處近長安  
遠攀樹立啼何苦  
鴈點湖飛渡亦難  
此地唯堪畫圖障  
華堂張與貴人看

平來東易州  
登龍興寺望郡北高峯  
賈島

郡北最高峯  
巉巖絕雲路  
朝來上樓望  
稍覺得幽趣  
朦朧碧煙裏  
群嶺若相附  
何時一登陟  
萬物皆下顧

夏夜登南樓

前人

水岸閑一作寒非樓帶月躋  
夏林初見岳陽溪  
一點新螢報秋

信不知何處是菩提

杪秋登江樓

周賀

平楚起寒色  
長沙猶未還  
世情何處澹  
湘水向人閑  
空翠隱高鳥  
夕陽歸遠山  
孤雲萬餘里  
惆悵洞庭間

校正一百十字

五月三十日抱素書屋記

文苑英華卷第三百十二



文苑英華卷第三百一十三

詩一百六十二

居處三

樓三十二首

臺三十七首

樓

江樓春望

于武陵

樓上長江路舟車盡不閑  
鳥聲非故國春色是他山  
一望雲復水幾重河與關  
愁心隨落日萬里各西還

題安州浮雲寺樓寄湖州張郎中

杜牧

去夏疎雨餘同倚朱欄語  
當時樓下水今日到何處  
恨如春草多事與孤鴻去  
楚岸柳無窮集作何別愁紛若絮



此詩二百六十一卷重出今已削去

登池州九峯樓寄張祐

前人

百感中集作來不自由角聲孤起夕陽樓碧山終日思無

盡芳草何年恨即休睫在眼前長不見道非身外欲集作

何求誰人得似張公子千首詩輕萬戶侯

此詩二百六十卷重出今已削去

過勤政樓

前人

千秋令集作節名空在承露絲囊世已無惟有此苔偏得

集作意年年因雨灑集作金鋪

江樓夜別

許渾

離別奈情何江樓凝艷歌蕙蘭秋露重蘆葦夜風多深怨

寄情瑟遠愁生翠蛾酒酣相顧起明月棹寒波

登尉佗樓

前人

劉項持兵鹿未窮自乘黃屋島夷中南來作尉任器力北

向稱臣陸賈功簫鼓尚陳今世廟旌旗猶鎮昔時宮越人

未必知虞舜一奏薰絃萬古風

題韶州驛樓

前人

待月江樓捲翠羅玉盃瑤瑟近星河簷前碧樹窮秋

密窓外青山薄暮一作霧多鷓鴣未知狂客舞集作鷓鴣先

讓美人歌使君不集作惜通宵醉集作刀筆初從馬伏波

咸陽城西

前人

一上高城萬里愁蒹葭楊柳似汀洲溪雲初起日沉閣山



雨欲來風滿樓鳥下綠蕪秦苑夕蟬鳴黃葉漢宮秋行人

莫問前朝一作當時事渭水寒聲晝夜流一作故國東來渭水流

和崔夫人新廣北樓登眺

前人

北望高樓夏亦寒山重水闊接長安脩梁暗換丹楹少踈

牖全開彩檻寬風卷浮雲披睥睨露涼明月墜一作墮闌干

庾公戀闕懷鄉處目送歸帆下遠灘

北樓

李商隱

春物豈相干人生只強歡花猶曾斂夕酒竟不知寒異域

東風濕中華上象寬此樓堪北望輕命俯集作倚危欄

夕陽樓

在滎陽蕭衍即守滎陽日作

前人

花明柳暗曉天愁上盡重城更上樓欲問孤鴻向何處不

知身世自悠悠

酬牛秀才登樓見示

薛逢

旅館再經秋心煩懶上樓年光同過隙人事且隨流骨肉

憑書問鄉關託夢遊所嗟山郡酒傾盡只添憂

嘉川驛樓晚望

姚鵠

樓壓寒江上開簾對翠微斜陽諸嶺暮古渡一僧歸窓迥

雲衝起汀遙鳥背飛誰言坐多倦目極自忘歸

楚州宴花樓

趙嘏

門外煙橫載酒船謝公攜客醉華筵尋花偶坐將軍樹飲

酒方重刺史天幾曲艷歌春色裏斷行高馬暮雲邊分明

聽得輿人語願及行春更一年



登安陸西樓

前人

樓上華筵日日開眼前人事祗堪哀征車自入紅塵去遠  
水長穿綠樹來雲暗更隨歌舞伴山川不盡別離盃無由  
併寫春風恨欲下郎城重首回

鸛雀樓晴望

馬戴

堯女樓西望人懷太古時海帆通禹穴山木閉虞祠鳥道  
殘虹挂龍潭返照移行雲如可馭萬里赴心期

同蕭山陳明府

集作官長

縣樓登望

方干

坐看南北與西東遠近無非禮義中一縣繁花香送雨五  
株垂柳綠牽風晝潮背海集作郭喧還靜驛路穿林斷復通  
仲叔受恩多感戀徘徊却惜集作怕酒壺空

長沙陪裴大夫登北樓

李群玉

巖嶂隨高步琴罇奉勝遊金風吹綠簟湖集作湘水入朱樓  
朗抱雲開月高情鶴見秋登臨多暇日非為賦消憂

江樓閑望懷關內親知

集作關中親故

前人

搖落江天欲盡秋遠鴻高送一行愁音書寂絕秦雲外身  
世蹉跎楚水頭年貌暗隨黃葉去時情深付碧波流風淒  
日冷湘光集作江湖晚駐目寒空獨倚樓

漢陽太白樓

前人

江上晴樓雲靄間滿簾江水滿窓山青楓綠草將愁去遠  
入吳雲暝不還

題樟亭驛樓

喻坦之



危檻倚山城風帆檻外行日生滄海赤潮落浙江清秋晚  
遙峰出沙乾細草平西陵烟樹色長見伍員情

題河中鸛雀樓

張喬

高樓懷古動悲歌鸛雀今無野燕過樹隔五陵秋色早水  
連三晉夕陽多漁人遺火成寒燒牧笛風吹起夜波十載  
重來值搖落天涯歸計欲如何

江樓作

前人

憑檻見天涯非秋亦可悲晚天帆去疾春雪燕來遲山水  
分鄉縣干戈足別離南人廢耕織早晚罷王師

涓陽樓閑望

鄭谷

千重二華見皇州望盡凝嵐即此樓細雨不藏秦樹色夕

陽空照渭河流前車寧見後車覆今日難忘昔集作昨日憂

擾擾塵中猶集作殊未已可能疏傳獨能休

陪郢州張員外宴白雪樓

許棠

高情日日悶多宴雪樓間灑檻江上雨當筵天際山帶帆  
分浪色駐樂話朝班豈料驕遊者樽前得解顏

雨後從陶郎中登庾樓庾樓在豫章王真白

島邊漁艇聚天畔鳥行分此景堪誰畫文翁請綴文

豫章江樓望西山有懷

陳陶

水護星壇列太虛烟霓十八上仙一作真居時人未識遼東

鶴吾祖曾傳寶鼎書終日章江催白鬢何年丹竈見紅蕖

桃花谷口春深淺欲訪先生赤鯉魚



鳳州北樓

羅鄴

城上層樓北望時，閑雲遠水自相宜。人人盡道堪圖畫，枉遣山翁醉習池。

慈恩寺東樓

曹松

寺樓涼出竹，非與曲江賒。野水流穿苑，秦山壘入巴。風容離衆業，一作葉岸角積虛沙。此地鐘聲近，令人思海涯。

早登新安縣樓

羅隱

關城樹色齊，往事未全迷。塞路真人氣，封門壯士泥。草濃延蝶舞，花密教鶯啼。若以鳴為德，鸞凰不及雞。

登夏州城樓

前人

寒聲獵獵戍旗風，獨倚危樓集一作悵望中。萬里山河唐地

王千年，覓鬼晉英雄。離心不忍聽，邊馬往事應。須問塞鴻好脫儒冠從校尉，一枝長戟六鈞弓。

登宛陵條風樓寄竇常侍

前人

亂離時節懶登臨，試借條風半日吟。只有遠集作遠山舍，見晚暖律不知高閣動。歸心溪喧晚棹，千聲浪雲護寒郊。數丈陰自笑，疎慵似麋鹿也。教臺上費黃金。

臺

登琴臺

梁簡文帝

蕪階踐昔徑，復想鳴琴遊。音容萬春罷，高名千載留。弱枝生古樹，舊石染一作浸新流。由來迥相嘆，逝川終不收。此詩一百七十四卷重出，今已削去。注異同為一作。



過建章故臺

庾肩吾

魯國觀遺殿韓城想舊臺仲宣原隰滿子建悲風來夏蓮

猶反植秋窓尚左

一作不

開圖雲仍溜

集作洩

雨書石

集作即

生苔及君觀

類聚作歡

四望知余念

集作詠

七哀

臺

類聚作名

登臺

祖孫登

獨有相思意聊敞鳳凰臺蓮披

集作枝

香稍上月明光正來

離鵠

類聚作鶴

將雲散飛花似雪迴遙思竹林友前窓夜夜開

相如琴臺

盧昭隣

聞有雍容地千年無四鄰園院風烟古池臺松檟春雲疑

作賦客月似聽琴人寂寂啼鳥處空傷遊子神

登越王臺

宋之問

江上越王臺登高望幾回南溟天外合北戶日邊開地濕

烟常起山晴雨半來冬花掃蘆橘夏果摘楊梅跡類虞翻

狂人非賈誼才歸心不可見

集作可度

白髮重相催可見

集作可度

登裴秀才迪小臺

王維

端居不出戶滿目空雲山落日鳥邊下秋原人外閑遙知

遠林際不見此簷間好客多乘月應

一作膺

門莫上關

登九思

集作里

臺

是楚樊姬墓

張說

楚國所以霸樊姬有力焉不懷沈尹祿誰諳

集作進

叔敖賢

萬化茫無在孤墳獨巋然北分陽臺陌南識郢城阡漠漠

渚宮樹蒼蒼雲夢田登高形勝出訪古今名傳自我來符

守因君樹蕙荃詩書將變俗締纒忽彌天

集作年

志闌三折



後愁值二毛前佇立帝京路遙心寄此篇

登古陽雲臺

張九齡

庭樹日衰颯風霜未云已駕言遣憂思乘興求相似楚國  
茲故都蘭臺有餘址傳聞襄王世仍立巫山祀方此全盛  
時豈無嬋娟子色荒神女至蒐蕩宮觀裏蔓草今如積朝  
雲為誰起

陪王司馬登薛公逍遙臺

前人

常聞薛公淚非直雍門琴竄逐留餘跡悲涼見此心府中  
因暇豫江上幸招尋人事已成古風流獨至今閑情多感  
歎清景暫登臨無復甘棠在空餘蔓草深晴光送遠目勝  
氣入幽襟水去朝滄海春來換碧林賦懷湘浦弔碑想漢  
川沈曾是陪遊日徒為梁甫吟

琴臺

杜甫

茂陵多病後尚愛卓文君酒肆人間世琴堂日暮雲野花  
留寶曆蔓草見羅裙歸鳳求凰意寥寥不復聞

鳳凰臺 山峻人不  
至高頂

前人

亭亭鳳凰臺北對西康州西北今寂寞鳳聲亦悠悠山峻  
路絕蹤石林氣高浮安得萬丈梯為君居集作上頭恐有  
無母鷓鴣飢寒日啾集作啾我能剖心出飲啄慰孤愁心以

當竹實炯然忘外求血以當醴泉豈徒比清流所重王者

瑞敢辨微命休坐看綵翮舉集作長縱意八極周自天銜圖

識集作瑞圖飛下十二樓圖以獻集作春至尊議以垂鴻猷再光



中興業一洗蒼生憂深衷正為此群盜何淹留

登單父陶少府半月臺

李白

陶公有逸興不與常人俱築臺像半月迥出高城隅置酒

望白雲高颺飛落梧集作高颺起寒梧秋山入遠海桑柘羅平蕪

水色綠且清集作明令人思鏡湖終當過江去愛此暫踟躕

陵敲臺

前人

曠望登古臺臺高極人目疊嶂列遙集作遠空雜花間平陸

閑雲入窓牖野翠生松竹欲覽碑上文苔侵豈堪讀

登金陵鳳凰臺

前人

鳳凰臺上鳳凰遊鳳去臺空江自流吳時集作宮花草埋幽

逕晉代集作國衣冠成古丘三山半落青天外二水中分白

鷺洲總為集作盡道浮雲能蔽日長安不見使人愁

蘇臺覽古

前人

舊苑荒臺楊柳新採菱歌唱不勝春只今唯有西江月曾

照吳王宮裏人

秋日登吳公臺上寺遠眺

寺即陳將吳明徹戰地集作塲

劉長卿

古臺搖落後秋入望鄉心野寺來人少寒峯隔水深夕陽

依舊壘寒磬滿空林惆悵南集作前朝事長江獨至今

嚴陵釣臺送李康成赴江東使

前人

潺湲子陵瀨髣髴如在目七里人已非千年水空綠新安

江上孤帆遠應逐楓林萬餘轉古臺落日自蕭條寒水無

文苑英華 卷一百一十五 壽



波更清淺臺上漁竿不復持却令猿鳥向人悲灘聲山翠  
至今在遲爾行舟晚泊時

登戲馬臺作

儲光義

君不見宋公杖鉞誅燕后英雄踴躍爭趨走小會衣冠呂  
梁壑大徵甲卒礪礪口天開神武樹元勳九日茱萸饗六  
軍泛泛樓船遊極浦搖搖歌吹動浮雲居人滿目市朝變  
霸業猶存齊楚甸泗水南流桐栢川沂山北走瑯琊縣滄  
海沉沉晨霧開彭城烈烈秋風來少年自言未得意日暮  
蕭條登古集作此臺

題嚴陵釣臺

張繼

舊隱人如在清風亦似秋客星沉夜壑釣石俯春流鳥向  
喬枝聚魚依淺瀨遊古來芳餌下誰是不吞鈎

阮公嘯臺

包融

荒臺森荆杞蒙籠無上路傳是古人跡阮公長嘯處至今  
清風在時時動林樹逝者昔已遠升攀想遺趣靜然荒榛  
間久之若有晤靈光未歇滅千載知仰慕

仙女臺

釋皎然

寂寞舊桑田誰家女得仙應無雞犬在空有子孫傳古木  
花猶發荒臺月尚懸暮來雲一片一作行雲疑是却歸年

和邢端公登臺春望句句有春字之什

春日繡衣輕春臺別有情春煙間草色春鳥隔花聲春樹



亂無次春山遙得名春風正飄蕩春甕莫須傾

嚴公釣臺

顧况

靈芝產遐方威鳳家重霄嚴生何耿潔託志肩夷巢漢后  
雖則貴子陵不知高糠粃當世道長揖夔龍朝掃門彼何  
人升降不同朝捨舟遂長往山谷多清飈

辭魏博田尚書出境後感恩戀得因登藂臺

楊巨源

薦書及龍鍾此事鏤心骨親知殊浪浪疑作恨恨徒御方咄咄  
賓朋捨別廉僕請行藂臺邯鄲臺上見新月離恨始分明源闕更  
超忽懷仁淚空盡感事情人發他時躡履聲曠日照丹闕

題嚴光釣臺

歐陽詹

弭棹歷塵跡悄然關我情伊無昔時節豈有今時名辭貴  
不辭賤是心誰復行欽哉此溪曲永獨古風清集作英

經嚴陵釣臺貽同舟者

三字集

許渾

故人天下定歸釣獨悠悠集作碧舊跡隨臺古高名寄水  
流鳥喧群木晚蟬吟集作衆山秋更待新安月憑君暫駐

舟

陵敲臺

前人

宋祖高臺集作樂未迴三千歌舞宿層臺湘潭雲盡暮山

出巴蜀雪消春水來行殿有基荒薺合寢園無主野棠開

百年應集作作萬年計巖上集作古碑空綠苔

青陵臺

李商隱



青陵臺畔日光斜，萬古貞魂倚暮霞。莫許韓憑爲蛟蝶，等閑飛上別枝花。

姑蘇臺

曹鄴

吳宮酒未銷，又宴姑蘇臺。美人和淚去，半夜閭門開。相對正歌舞，笑中聞鼓鼙。星散九重門，血流十二街。一去成萬古，臺盡人不回。時聞野田中，拾得黃金釵。

登盧氏臺

溫庭筠

勝地當通邑，前山有故居。臺高秋蓋出，林斷野無餘。白露鳴蛩急，天時疑作晴天度鴈疎。由來放懷地，非獨在吾廬。

燕臺二首

聶夷中

燕臺累黃金，上欲招儒雅。貴得賢士來，更下於隗者。自然樂毅徒，趨風走天下。何必馳鳳書，旁求向林野。

二

燕臺高百尺，燕滅臺亦平。一種是亡國，猶得禮賢名。何似章華畔，空餘禾黍生。

題賈島吟詩臺

中出集作中沒

張喬

吟魂不復遊，臺亦似荒丘。一徑草中出，長江天外流。暝烟寒鳥集，殘月夜蟲愁。願得生禾黍，鋤平恨即休。

姑蘇臺

劉駕

勾踐飲膽日，吳酒香滿杯。笙歌入海雲，聲自姑蘇來。西施舞初罷，侍兒整金釵。衆女不敢妬，自比泉下泥。越鼓聲騰騰。



文苑英華 卷三百一十三  
騰吳天隔塵埃難將甬東地更學會稽樓霸跡一朝盡草  
中棠梨開

陵敲臺

羅鄴

高臺今古竟長閑因想興亡百疑 慘顏四海已歸新雨露  
六朝空認舊江山槎翹獨鳥汀洲畔風亞荒榛雨雪間好  
是輪蹄來往便誰人不向此躋攀

望仙臺

前人

千金疊土望三山望鶴無蹤羽衛還若說神仙求便得茂  
陵何事隔人間

姑蘇臺

羅隱

讓高泰伯開基日賢見延陵復命時未會子孫因底事解

崇臺榭爲西施

文苑英華卷第三百一十三  
校定七十三字補詩二聯 六月朔早起坐水廊閣



文苑英華卷第三百十四

詩一百六十四

居處四

閣四十首

堂二十三首

閣

登州中新閣

庾信

跨虛陵倒景連雲拒少陽璇極龍鱗上雕甍鵬翅張千尋  
文杏照十里木蘭香開窓對高掌平坐望河梁歌響開天  
樂鍾聲徹建章賦用王延壽書須臾仲將龍來隨畫壁鳳  
起逐吹簧石作芙蓉影池如明鏡光花架反披葉蓮井倒  
垂房徒然思鷺賀無以預鷗翔

登宇文內史入重陽閣

前人



北原風雨散南宮容衛疎待詔還金馬儒林歸石渠徒懸  
仁壽鏡空聚茂陵書竹淚垂秋筍蓮衣落故葉顧成始移  
廟陽陵正徒居舊蘭焦悴長殘花爛熳舒別有昭陽殿長  
悲故婕妤

登禪定寺閣

宋之問

梵宇出三天登茲望八川開襟坐霄漢揮手拍雲煙函谷  
青山外昆明落日邊東京楊柳陌少別已經年

使過襄陽登鳳林寺山閣

前人

香閣臨清漢丹梯隱翠微林篁天際密人世谷中遺苔石  
銜仙洞蓮舟泊釣磯山雲浮棟起江雨入庭飛信羨隨南  
國嚴程限北歸幽情不可再留步惜芳菲

和崔侍御日用遊開化寺閣

吳少微

左憲多才雄故人尤鷲鷲護贈單于使休軺太原郭館次  
厭煩馭清懷尋寂寞西緣十里餘北上開花閣物入雲樹  
間冥蒙未昭廓漸出欄楳外萬里秋景焯歲晏風落山天  
寒水歸壑覽物頌幽果至乘動玄鑰但敷利解言永川忘  
昏著

岳州九日宴道觀西閣

張說

搖落長年歎蹉跎遠官心北風嘶代馬南浦宿陽禽住此  
黃花酌醑餘白首吟涼雲霏楚望濛雨蔽荆岑登眺恩晴  
景誰將卷濁陰釣歌出江霧樵唱入山林魚以佳一作名  
採木爲美材侵大道由中悟逍遙匪外尋參佐多君子詞



筆妙賞一作音留題賞達一作音留題洞庭觀望古意何深一作雜詠

登惣持寺閣

張九齡

香閣起崔嵬高高沙版開攀躋千仞上紛詭萬形來草間  
商君陌雲重漢后臺山從幽谷斷川向斗城回林裏春容  
變天邊客思催登臨信為美懷遠獨悠哉

晚憇王少府東閣

前人

披軒肆流覽雲壑見深重空水秋彌淨林烟晚更濃座隅  
分洞浦簷際列群峯窈窕生幽意參差多異容還慚大隱  
跡空想列仙蹤賴此昇攀處蕭條得所從

宿雲門寺閣

孫逖

香閣東山下煙花象外幽燃燈千嶂夕卷幔五湖秋畫壁

飛鴻鴈紗窓宿斗牛更疑天路近夢與白雲遊

西閣曝背

杜甫

凜冽倦玄冬負暄嗜飛閣羲和流德澤顓頊媿倚薄毛髮  
具自私集作和肌膚潛沃若太陽信深仁衰氣歛有託歆傾

煩注眼容易收病脚瀏漓木稍猿集作流翩翩集作山巔

鶴明明知苦聚散哀樂亦已昨集作日即事會賦詩人生忽

如錯集作昨古來遭喪亂賢聖盡蕭索胡為將暮年憂世心

力弱

飛仙閣

前人

出集作土門山行窄微徑緣集作徑秋毫集棧雲欄干峻梯石

結構牢萬壑歌踈林積陰帶奔濤寒日外淡泊長風中怒



號歇鞍在地底始覺所歷高往來雜坐卧人馬同疲勞浮  
生有分定機飽豈可逃歎息謂妻子我亦集作何隨汝曹

龍門閣

前人

清江下龍門絕壁無尺土長風駕高集作白浪浩浩自太古

危途中縈盤集作縈盤道仰望垂線縷滑石歎誰鑿浮梁裊相

柱目眩隕雜花頭風吹過集作過飛雨百年不敢料一墜那得

取飽聞集作知經瞿唐足見度大庾終身歷艱險恐懼從此

數

登瓦官寺閣

李賓

晨登瓦官閣極眺金陵城鍾山對北戶淮水入南榮漫漫

雨花落嘈嘈天樂鳴兩廊振法鼓四角吹集作冷風箏杳出

霄漢上仰攀日月行山空霸氣滅地古寒陰生寥廓雲海

晚蒼茫宮觀平門餘閭闔字樓識鳳凰名雷作百川集作山

動神扶萬拱傾靈光集作何足貴長此鎮吳京

登巴陵開元寺西閣贈衡嶽僧方外 前人

衡嶽有開士五峯秀真骨見君萬里心海水照秋月大臣

南溟去問道皆請謁酒以集作明非甘露言清涼潤肌髮湖海

落天鏡香閣陵銀闕登眺餐惠風新花期啓發

同皇甫冉再登玄閣

李嘉祐

高閣朱欄不厭遊蕪葭白水遶長洲孤雲獨鳥川光暮萬

井千山海氣秋清梵林中人轉靜夕陽城上角偏愁誰堪

遠作秦吳別離恨歸心雙淚流



題鮑行軍小閣

嚴維

宇下無留事經營意獨新  
文房已得地相閣是推輪  
席上招賓急山陰對雪頻  
虛明先旦暮啓閉異冬春  
談笑兵家法逢迎幕府賓  
還將負暄處時借在陰人

晚霽登王六東閣

前人

試上江樓望初逢山雨晴  
連空青嶂合向晚白雲生  
俊美要殊觀蕭條見遠情  
情來不可極日暮水流清

登景雲寺閣

張九宗

胡馬飲河洛我家從此遷  
今來獨垂淚三十六峯前

晚霽登汝南大雲閣

賈彥璋

禪宮新雨歇香閣晚登臨  
邑樹晴光起川苗佳氣深  
水包

城下岸雲細郢中岑自歎  
牽早日聊開望遠心

宿香山閣

前人

暝望香山閣梯雲宿半空  
軒窓閉潮海枕席拂煙虹  
朱網防棲鶴紗燈護夕蟲  
一聞鷄唱曉已見日瞳瞳

登聖善寺閣

褚朝陽

飛閣青雲裏先秋獨早涼  
天花散窓近月桂拂簷香  
華嶽三峯小黃河一帶長  
空聞指歸路煙處是垂楊

和嚴長秋

官

日登太原龍興寺閣野望

歐陽詹

百丈化城樓君登最上頭  
九霄回棧路八到視并州  
煙火遺堯瘼山河啓聖猷  
短垣齊介嶺片白指分流  
清鐸中天籟哀鳴下界秋  
境閑知道勝心遠見名浮  
豈念乘肥馬方



應駕大牛自憐蓬逐吹不得與良遊

和太原鄭中丞登龍興寺閣

前人

青窓朱戶半天開極目凝神望幾迴  
晉國頽墉生草樹皇家瑞氣在樓臺  
千條水入黃河去萬點山從紫塞來  
獨恨侍遊遊長者不知高意是誰陪

登天宮閣

白居易

午時乘興出薄暮未能還  
高上煙中閣平看雪後山  
委形群動秉任性一生間  
洛下多閑客其中我最閑

題宣州開元寺水閣

杜牧

六朝文物草連空天澹雲闌今古同  
鳥去鳥來山色裏人歌人哭水聲中  
深秋簾幕千家雨落日樓臺一笛風  
惆悵無因逢范蠡參差煙樹五湖東

無因逢范蠡參差煙樹五湖東

天河閣到啼猿閣即事

顧非熊

萬壑褒中路何曾不駕虛  
濕雲和棧起焦枿帶餘畚  
疑作畚餘巖沓牽垂果湍禽接迸  
魚每逢維艇處塢裏有人居

題大雲寺西閣

薛能

閣臨偏險寺當山獨坐西城笑滿顏  
四野有歌行路樂五營無戰射堂閑  
鞞和調角秋空外砧辨征衣落照間  
方擬殺身酬聖主敢於高處戀鄉關

題開元寺閣

前人

一閣見一郡亂流仍亂山未能終日住  
尤愛暫時閑唱棹吳門去啼林杜宇還  
高僧不可羨西景掩揖疑開



秋宿青龍禪閣

李洞

前山不可望暮色漸沉圭日轉須彌北蟾來渤海西風林  
亂僧話霜枯疑欠猿啼閣外千家夢分明見裏迷

湖閣

李群玉

楚色籠秋草秋光洗洞庭夕霏生水寺初月落集作雲汀  
棹響來空濶漁歌去集作杳冥欲浮欄下艇一到斗牛星

題宣州開元寺閣

張喬

誰家煙徑長莓苔金碧虛欄竹上開流水遠分山色斷清  
猿時帶角聲來六朝明月唯詩在三楚空山有鴈廻達理  
始應盡疑惆悵僧閑應得話天台

回鑿閣寫望

前人

古閣上空半寥寥千里心多年為客路盡日倚欄吟微疑  
歷秦川重深來虜塞心疑回鑿今不見煙霧杳沉沉

滕王閣寫望

前人

創來人世殊幾度繞汀蘆一作蘆一作壘浪有時有閑雲無日無  
早涼先燕去返照後帆孤未得榮歸討菱歌滿舊湖

登寶曆寺閣

陳陶

金碧高層世界空凭蜺長嘯八蠻風橫軒水壯蛟龍府倚  
棟星開牛斗宮三楚故墟殘景北六朝荒苑斷山東不堪  
懷古勞悲笑安得鵬搏顛氣中

和西江

一作江南

李助副使早登開元寺閣

前人

虛豁登寶閣三休極層構獨立天地間煙雲滿襟袖鼇龜荒



初浴日劍野呈綺繡愁檻祝融微陰軒九江湊拂簷皇姑  
舍錯落白榆秀倚城天竺祠蛟龍蟠古甃儵然觀六合一  
指齊宇宙書劍忽若闕青雲日方晝南朝空蒼莽楚澤稀  
耕耨萬事滿頽波一航安可渡疑徒云寄麟泣六五終難  
就資斧念徐生湖光隱圭竇早聞群黃鶴飄舉此江岫陵  
谷空藹然人樵已鷓鴣燕宮身冠客憑覽發清奏珠玉難  
嗣音縱轅愧孤陋

夏月題遠公北閣

羅鄴

危閣壓山岡晴空疑鳥行勝搜花界盡響益梵音長有月  
堪先到無風亦自涼人煙紛繞繞諸疑樹共蒼蒼榻戀高  
樓語甌憐盡茗香此身閑未得驅馬入殘陽

登瓦官寺閣

羅隱

下盤空跡上雲浮偶逐僧行步步愁暫憇已知須用意漸  
危爭忍不回頭煙中樹老重江晚鐸外風輕四境秋懶指  
臺城更東望鵲飛龍闕盡荒丘

揚州集作廣陵開元寺閣上作

前人

滿檻山川漾落暉檻前前事去如飛雲中鷄犬劉安過月  
裏笙歌煬帝歸江感海門帆散去地吞淮口樹相依紅樓  
翠幕知多少長向東風有是非

滕王閣春日晚眺

曹松

陵春帝子閣偶眺日移西浪勢平花塢帆陰上柳堤疑嵐  
藏宿翼疊鼓碎歸蹄只此長吟詠因高思不迷



題昭州山寺常寂上人水閣 前人

常寂常居常寂裏年年月月是空空塔前未放巖根斷屋  
下長教海眼通本為入來尋佛窟不期行處踏龍宮他時  
憶着堪圖畫一朵雲山二水中

堂

疏圃堂

庾肩吾

北宮多暇豫時駕總鸞鑣路靜繁蕤撒輪移羽蓋飄臨空

坐飛觀回首望浮橋風長曙鍾近地迥初學記洛城遙踈

林不礙目初學記涸浦暫通潮徒然等賓從並作愧群僚

文翁講堂

盧照隣

錦里淹中館岷山稷下亭空梁無燕雀古壁有丹青槐落

猶疑市苔深不辨銘良哉二千石江漢表遺靈

酬楊比部負外暮宿琴堂朝躋書閣率爾見贈之

作

王維

舊簡拂塵看鳴琴俟集作月彈桃源迷漢姓松樹有秦官

空谷歸人少青山背日寒羨君棲隱處遙望白雲端

草堂

杜甫

昔我去草堂蠻夷塞城都今我歸草堂此集作都適一作

無虞請陳初亂時反覆乃須臾集作斯須大將赴朝廷群小起

異圖中霄斬白馬盟歆氣已麤西取邛南兵北斷劔閣隅

布衣數十人亦擁專城居其勢不兩大始聞藩漢殊西卒

却倒戈集作倒賊臣互相誅焉知肘腋禍自及梟鏡徒義



士猶集作皆痛憤紀綱亂相踰一國實三公萬人集作民欲為

魚唱和作威福孰肯辨無辜眼前列杻械背後吹笙竽談

笑行殺戮血流集作濺血蒲長衢到今用越地風雨聞號呼鬼

集作人妾與鬼馬色悲克爾娛國家法令在此又足驚吁賤

子且奔走三年望東吳孤矢暗江海難為遊五湖不忍竟

捨此復來薤榛蕪入門四松在步屨集作堞萬行踈舊犬喜

我歸低徊入衣裾隣舍喜我歸酌酒提葫蘆集作搯大官

知集作喜我來遣騎問所須城郭知集作喜我來賓客隘集作溢

村墟天下方集作尚未寧健兒勝腐儒飄飄集作飄塵埃集作風塵

際何地置老夫於時是疣贅骨髓幸未枯飲啄媿殘生食

薇不敢餘

終南山雙峯草堂作

岑參

歐路集作迹歸山田偃息集作息心謝時輩晝還草堂卧但以集作

與雙峯對興來恣佳遊事愜符勝槩著書高窓下日夕見

城內曩為世人誤遂負平生愛父與林壑辭及來杉松大

偶茲精廬近屢得集作數名僧會有時逐樵漁集作漁樵盡日不

冠帶崖口上新月石門破蒼藹色向群木深光搖一潭碎

緬懷鄭生谷頗憶嚴子瀨勝事猶可追斯人邈千載

裴六書堂

王昌齡

閑堂閑空音一作陰竹林一作木但清響窓下長嘯客區中無遺想

經綸精微言兼濟當獨往

過橫山顧山人草堂

劉長卿



祇見山相掩誰言路尚通人來千嶂外犬吠百花中細草  
香帶雨垂楊閑自風却尋樵徑去惆悵綠溪東

題王十九茅屋

李嘉祐

蒲庭多種藥人里作山家終日能留客凌寒亦對花海鷗  
過竹嶼門柳拂江沙知爾卑棲意題詩美白華

題武陵草堂

楊浚

草堂列仙樓上在青山頂戶外窺數峯階前對雙井雨來  
花盡濕風度松初冷登棧行不疲入溪語彌靜本能去塵  
服兼欲事金鼎正直心所存諂諛長自省適知幽遁趣已  
覺煩慮屏更愛雲林閑吾將卧南穎

題鄭拾遺草堂

韋應物

借地建集作茅棟橫竹挂朝衣秋園雨中綠幽居塵事違  
陰集作井夕蟲亂高林霜果稀子有白雲意構此想巖扉

湖南草堂讀書招李少府

釋皎然

削去僧中事南池便隱居為憐松子壽還卜道家書藥院  
常無客茶罇獨對余有時招送吏來飯野中蔬

過趙居士擬置草堂處所

王建

休師竹林北空可兩三間雖愛獨居好終來相伴閑猶嫌  
近前樹為好看南山的有深耕處春初須早還

錢侍即使君以題廬山草堂詩見示因以戲集作

之見二百五十八卷

白居易

題別遺愛草堂兼呈李十使君李十亦嘗隱廬山白鹿洞



前人

曾住鑪峯下書堂對藥臺  
斬新蘿徑合依舊竹窓開  
砌水親看決池荷手自栽  
五年方斲至一宿又須回  
縱未長歸得猶勝不到來  
君家白鹿洞聞道亦生苔

冬夜宴河東李相公堂

命笙歌送酒見二百十六卷

劉禹錫

後梁宣明二帝碑堂下作

前人

玉馬朝周從此辭  
園陵寂寞對豐碑  
千行宰樹荊州道  
暮雨蕭蕭聞子規

尋隱者常九山人東溪草堂

朱灣

尋集作窮得仙源訪隱淪  
漸來深處漸無塵  
初行竹裏唯通馬  
直到花間始見人  
四面雲山誰作主  
數家煙火自為隣

路傍樵客何須問  
朝市如今不是秦

李常侍書堂

釋無可

結構因墳籍  
簷前竹未生  
塗鉛窓日早  
閱槩幌風輕  
息架蛩驚客  
垂燈雨過城  
已應窮古史  
師律孰齊名

和厲玄侍御題戶部相公廬山草堂 劉得仁

白雲居創畢  
詔入鳳池年  
林長雙峯樹  
潭分並寺泉  
石溪盤鶴外  
岳室閉猿前  
柱史題詩後  
松門更肅然

草堂

洲西集作州邊雲鳥即依然集作寒食即潛然

趙嘏

校語原在卷末今以葉盡移寫於此

練江橫在草堂前  
楊柳洲西載酒船  
兩見梨花不歸得  
每逢雲鳥即依然  
斜陽映閣山當寺  
微綠含風月滿川  
同群故人攀桂盡  
把詩吟向寂寥  
天不歸得集作歸不得含風集作吟向



老圃堂

薛能

卻平瓜地接吾廬  
穀雨乾時偶自鋤  
昨夜春風欺不在  
就牀吹落讀殘書

題友人草堂

張喬

空山卜隱初生計  
亦無餘三畝水邊竹  
一牀琴畔書深林  
收晚果絕頂拾秋蔬  
堅話長如此何年獻子虛

王先輩草堂

陸龜蒙

松徑隈雲到靜堂  
杏花臨澗水流香  
身從亂後全家隱  
日校人間一倍長  
金綠疑作錄漸加新品秩  
玉皇偏賜羽衣裳  
何如聖代彈冠出  
方朔曾為漢侍郎

文苑英華卷第三百十四  
校正一百十六字六月朔

文苑英華卷第三百十五

詩一百六十五

居處五

亭七十三首

亂後經吳郵亭

庾肩吾

郵亭一回望風塵  
千里昏青袍異春  
草白馬即吳門徼  
戎鯁類聚作鞭伊洛雜種亂  
軒轅輦道通關塞  
王城似大原休明  
鼎尚重乘禮國猶  
存殷牖爰雖牘堯  
城吏轉尊泣血悲  
東走橫戈念北奔  
方憑七廟畧誓雪  
五陵寃人事今如  
此天道共誰論

登百花亭懷荆楚

梁元帝

極目讒說千里何由望  
楚津落花灑行路  
垂楊拂砌塵柳絮



飄春雪。荷珠漾水銀。試酌新清酒。遙勸陽臺人。以下三篇並見江州

石本

奉和登百花亭懷荆楚 朱超道

亭亭登望極。春心遠近同。莫恨荆臺隱。雲行不礙空。柳色浮新翠。蘭心帶淺紅。若因鵬舉便。重上龍門中。

追和登百花亭懷荆楚 陰鏗

江陵一柱觀。尋陽千里湖。風煙望似接。川路恨成遙。落花輕未下。飛石本絲斷亦飄。藤長還依格。石本作格嶺荷生不避

橋。楊臺可憶處。唯有暮將朝。

臨水亭 閻丘均

高館基曾山。微羃生花草。傍對野村樹。下臨車馬道。清朗

悟心術。幽遐備瞻討。回舍峯隱雲。聯綿渚縈塢。氣似滄州勝。風為青春好。相及盛年時。無令歎衰老。

山庭夜宴 王勃

桂宇幽襟積。松臺良夜永。森沉野徑寒。肅穆巖扉靜。竹晦南河色。集作江色荷翻北潭影。清興殊未歸。林端照初景。

宿晉安亭 盧照隣

聞有絃歌地。穿鑿本多奇。遊人試一覽。臨翫果忘疲。窓橫暮捲葉。簷叶古生枝。舊石開紅蘚。新荷發綠池。孤猿稍斷

絕。宿鳥復參差。汎艷月華曉。徘徊星鬢垂。今日刪書客。悽

遑君詎知

同王員外雨後登開元寺南樓因酬暉上人獨坐



山亭有贈

陳子昂

鍾梵經行罷香林坐入禪巖庭交雜樹石瀨寫鳴泉水月  
心方寂雲霧思獨玄寧知人代裏疲病苦攀緣

王屋山第之側雜構小亭暇日與群公同李嶠

桂亭依絕巘蘭榭俯回溪綺棟魚鱗出雕甍鳳羽栖引泉  
聊漲沼鑿磴且通溪席上山花落簷前野樹低弋林開曙  
景釣渚發晴霓狎水驚梁鴈臨風聽楚鷄復看題柳葉彌  
喜蒼桐圭

從驩州廨宅移住山中間水亭贈蘇使君

沈佺期

遇坎即乘流因到極南州集作西南鬼關應苦夜瘴浦不

宜秋歲貧骨穿老集作朝飛鳥斂頭死生離骨肉榮辱聞

朋遊棄置一身在平生萬事休鷹鷂遭誤逐豺武怯真投

憶昨京華子傷今邊地囚願陪鸚鵡樂希並鷓鴣集日

月倫鄉思煙花換客愁幸逢蘇伯玉回借水亭幽山栢歌集

張青蓋江樵卷綠油乘閑無火宅因放有虛集作舟適越

心當是居夷迹可求古來堯禪舜何必罪驩兜

旅宿淮陽亭口號

張九齡

日暮荒亭上悠悠旅思多故鄉臨桂水今夜眇星河暗草  
霜華發空亭鴈影過興來誰與晤勞者自為歌

與王六履震廣州津亭曉望 前人

明發臨前渚寒來靜遠空水紋天上碧日氣海邊紅景物



山亭有贈

陳子昂

鍾梵經行罷香林坐入禪巖庭交雜樹石瀨寫鳴泉水月  
心方寂雲霧思獨玄寧知人代裏疲病苦攀緣

王屋山第之側雜構小亭暇日與群公同李嶠

桂亭依絕巘蘭榭俯回溪綺棟魚鱗出雕甍鳳羽栖引泉  
聊漲沼鑿磴且通溪席上山花落簷前野樹低弋林開曙  
景釣渚發晴霓狎水驚梁鴈臨風聽楚鷄復看題柳葉彌  
喜蒼桐圭

從驩州廨宅移住山中間集作水亭贈蘇使君

沈佺期

遇坎即乘流因到極南州集作西南鬼關應苦夜漳浦不

宜秋歲貧曾穿老霄集作飛鳥斂頭死生離骨肉榮辱聞

朋遊棄置一身在平生萬事休鷹鷂遭誤逐豺武怯真投

憶昨京華子傷今邊地囚願陪鸚鵡樂希並鷓鴣番日月

倫鄉思煙花換客愁幸逢蘇伯玉回借水亭幽山栢歌集

張青蓋江樵卷綠油乘閑無火宅因放有虛漁集作舟適越

心當是居夷迹可求古來堯禪舜何必罪驩兜

旅宿淮陽亭口號張九齡

日暮荒亭上悠悠旅思多故鄉臨桂水今夜眇星河暗草  
霜華發空亭鴈影過興來誰與晤勞者自為歌

與王六履震廣州津亭曉望前人

明發臨前渚寒來靜遠空水紋天上碧日氣海邊紅景物



空集作紛為異人情賴此同乘桴自有適非欲破長風

林亭作集作

前人

穿築非求麗幽閑欲寄情寓懷因壞石真意在蓬瀛苔益  
山文古池添竹氣清從茲果蕭散無事亦無營

立秋日題安昌

雜詠作日宴

寺北山亭

遜

樓峴倚長霄登攀及霽朝高如石門頂勝擬赤城標天路  
雲虹近人寰氣象遙山清雜詠作伯禹廟江落伍胥潮徂暑

迎秋薄涼風是日飄果林餘若李萍水覆其蕉覽古嗟夷

漫陵空愛寂

集作

寥更聞金刹下鍾梵晚蕭蕭

望春亭觀契飲應制

見一百七

王維

與盧員外象過崔處士興宗林亭 前人

綠樹垂陰蓋四隣青苔日厚自無塵科頭箕踞長林下集

松白眼看他世上人

集作看君是甚人

和宋大使北樓新亭

孟浩然

返耕意未遂日夕登城隅誰道山林近坐為符竹拘麗譙  
非改作軒檻是新圖遠水自蟠冢長雲吞具區願隨江燕  
賀羞逐府寮趨欲識狂歌者集作丘園一豎儒

晚春題詠

一作

上人南亭

前人

給園支遁隱虛寂養身和春晚群木秀關關一作黃鳥歌

林栖居士竹池養右軍鶻炎月北窓下清風期再過

秋登張明府海亭

前人

海亭秋日望委曲見江山染翰卧題壁傾壺一破顏歌逢



彭澤令歸賞故園間余亦將琴史棲遲共取閑

梅道士水亭

前人

傲吏非凡吏名流即道流隱居不可見高論莫能酬水接  
仙源近山藏鬼谷幽再來迷處所花下問漁舟

夏夕南亭懷辛夫

前人

山光忽西發集作落池月漸東上散髮乘夕涼開軒卧閑敞  
荷風送香氣竹露滴清響欲取鳴琴彈恨無知音賞感此

懷古人集作故人中霄勞夢想

鄭郎中山亭

崔翹

篆筆飛章暇園亭雜翰遊地奇人境別事遠俗塵收書閣  
山雲起琴齋澗月啻泉清鱗影見樹密鳥聲幽杜馥重梅

雨荷香送麥秋無勞置驛騎又酒暗相求

晚至香亭

鄭德玄

長亭日已暮駐馬暫盤桓山川香不極徒侶默相看雲夕  
荆臺暗風秋郢路寒客心一如此誰復採芳蘭

登牛頭山亭子

杜甫

路出雙林外亭窺萬井中江城孤照日集作春山谷遠含風  
兵革身將老關河信不通猶殘數行淚忍對百花叢

暮春陪李尚書李中丞過鄭監湖亭泛舟得過前人

海內文章伯湖邊意緒多玉罇移晚興桂楫帶酣歌春日  
繁魚鳥江天足芰荷鄭莊賓客地衰白遠來過

客亭

前人



秋窓猶曙色落木更高風集作木落日出寒山外江流宿  
霧中聖朝無棄物老病已成集作衰翁多少殘生事飄零似  
轉蓬

遊謝氏山亭

李白

論老叶江海再嘆天地清病寒集作久寂寞歲物徒芬榮  
借君西地遊聊以散我情掃雲集作松下去捫蘿道邊集  
道行謝公池塘上春風集作颯已生花枝拂人來山鳥向

我鳴田家有美酒落日與之傾醉後弄歸月遙欣稚子迎  
宣城九日聞崔侍御與宇文太守遊敬亭余時登  
響山不同此賞醉後寄崔侍御二首 前人

九日茱萸熟挿鬢傷早白登高望山海滿目悲古昔遠訪  
投沙人因為逃名集作客故交竟誰在獨有崔亭伯重陽  
不相知載酒任所適手持一把集作菊談集作笑二千石

日暮岸幘歸傳呼隘集作阡陌彤檐雙白鹿賓從何輝赫  
夫子在其間遂成雲霄隔良辰與美景兩地方虛擲晚從  
南峯歸蘿月下水壁却登郡樓望松色寒轉碧望美集作  
不可親棄我如遺集作寫

二

九卿天上落五馬道傍來列戟朱門曉褰帷碧幘開登高  
望遠海召客來英才紫綬歡情洽黃花逸興催山從集作  
圖上見溪即集作鏡中回遙羨重陽作應過戲馬臺

題金陵王處士水亭此亭蓋齊朝南苑又是陸機故宅 前人



王子耽玄言賢豪多在門好鵝尋道士愛竹嘯名園樹色  
秀荒苑池光蕩華軒北堂見明月更憶陸平原掃拭青王  
簞爲余署金罇醉後欲歸去花枝宿鳥喧何時復來此更

集作得洗囂煩

陪旅父當塗宰遊化城寺昇公清風亭 前人

化城如集作若化出金榜天宮開疑是海上雲飛空結樓臺

昇公湖山秀粲然有辨才濟人不利已立俗無嫌循了見

水中月青蓮出塵埃閑居清風亭右左清風來當署陰廣

殿太陽爲徘徊茗酌待幽客珍盤薦彫梅飛文何灑落萬

象爲之推季父擁鳴琴德聲布雲雷雖遊道林室亦舉陶

潛盃清樂動諸天長松自吟哀畱勸若可盡劫石乃成灰

題韓少府水亭 祖詠

梅福幽棲處佳期不可佳小作還鳥吟當戶竹花遶傍池山

水氣侵堦冷藤陰覆坐閑寧知武陵趣宛在市朝間

晚泊金陵水亭 前人

江亭當廢國秋景陪蕭騷夕照明殘壘寒潮漲古濠就田

看鶴大隴水見僧高無限前朝事醒吟意覺勞

陸渾水亭 前人

晝眺伊川一作東山曲巖開霽色明淺沙平有路流水漫無聲

浴鳥沿波聚潛鱗一作魚觸釣驚更尋一作春岸上一作幽

意蒲山楹一作蒲前楹興

此詩三百十九卷重出今已削去異同爲一作李



李二侍御

冊陽東去新亭記

皇甫冉

姑蘇東望海林間幾度裁書信未還常長在府中持白簡豈知天半有青山人歸極浦寒流廣鴈下平蕪秋野閱舊日新亭更携手他鄉風景亦相關

酬疑忠公林亭

包融

江外有真隱寂居歲已侵結廬近面術種樹久成陰人跡乍及戶車聲遙隔林自言解塵事咫尺能韜沉為道豈廬霍會靜由吾心方秋院水落仰望日蕭森持我興來趣采菊行相尋塵念到門盡遠情對君深一談入理窟丹索破幽襟安得山中信致書移尚禽後漢逸民傳尚長字子平與北海禽慶字子夏二人

善相

夕次華陰北亭

林琨

清晨孤亭裏極目對前岑遠與水天合長霞生夕林蒼然平楚意杳靄半秋陰落日川上盡關城雲外深方余事巖壑及此欲抽簪待就蓬山道還茲契宿心

同蔡孚五亭詠

徐鼎

帝疑奏中京罷雲泉別業歸拂琴鋪野席牽柳挂朝衣翡翠巢書幌鴛鴦立釣磯幽栖可憐處春事滿林扉

潞府客亭寄鳳童

王昌齡

蕭條郡城閉旅館空寒煙秋月對悲客山鍾槌暮天新知偶相許斗酒情依然一宵阻良會清風徒滿川



宴南亭

前人

寒江映村林亭上納鮮潔楚客共閑飲靜坐金管闋酣竟  
日入山暝來雲歸穴城樓空杳蕩後鳴備疑清切物狀如  
絲綸道心為余決訪君東溪事早晚樵路濶

題裴十六少卿東亭

李嘉祐

平津舊東閣深巷見南山卷箔風煙潤遮窓竹影閑傾茶  
蕪落帽戀客不開關斜照窺簾一作簷外川禽時往還

過裴長官新亭

錢起

茅屋多新意芳林昨試移野人知石路戲鳥認花枝慢水  
縈蓬戶閑雲挂竹籬到家集作來成一醉歸馬不能騎

題蘇公林亭

前人

平津東閣在別是竹林期萬葉秋聲裏千家落照時門墜  
深巷靜窓過遠鍾遲客位苔生處依然又賦詩

春遊南亭

韋應物

川明一作晴氣已變出寒雪集作谷寒雪尚擁南亭草心綠春塘  
泉脉動景煦聽琴響雨餘看柳重逍遙池館華益愧專城

寵

和吳舍人早春歸沐西亭言志

前人

曉漏戒中禁清香肅朝衣一門雙掌誥伯仲侍言歸亭高  
性情曠職密交遊稀賦詩樂無事解帶偃南扉陽春美時

澤旭霽望山暉幽禽響未轉東原綠猶微名雖列朝集作仙

爵心已遺集作遺塵機即事同巖隱聖渥良難違



題獨孤常州湖上林一作亭 劉長卿

出樹倚朱欄吹鏡引上官老農持鍾拜特稼捲簾看水對  
登龍淨山當建準寒夕陽湖草動秋色渚田寬渤海人無  
事荊州客獨安謝公何足比來往石門難

題于越亭集作負遺後登于越亭作 前人

天南愁望絕亭上柳條新落日獨歸鳥孤舟何處人生涯  
投嶺集作越 傲世業陷邊塵集作胡 江入千峯暮花連百越春

集作杳杳鍾陵暮悠悠郵水春 秦臺憐集作悲 白首楚水集作澤 怨青蘋草色

無集作迷 征路鴛聲傍逐臣獨醒集作空 翻集作 取笑直道不容身

得非風霜苦全生天地仁青山數行淚滄海一窮鱗流落

誰相識空將鷗鳥親集作牢落機心盡惟憐鷗鳥親

初貶南巴至鄱陽題李嘉祐江亭 前人

南出巴人徼長江萬里隨不才甘謫去流水亦何知地遠

明君棄天高酷吏欺青山獨往路芳草未歸時流落還相

見悲歡話所思猜諛傷意致愁暮向江離淚盡看長劔心

閑寄集作倚 釣絲水雲初起重暮鳥遠來遲稚子能吳語新

文怨楚詞憐君不得意客集作容 鬢老南枝

越南中雷集作題 褚少府湖上林亭 前人

種田東郭傍春陂萬事一作緒 無情把釣絲綠竹放侵行逕

裏集作斷 青山常對卷簾時紛紛花發集作落 門空閉寂寂鸞

啼日更遲從此別君千萬里白雲流水憶佳期

此詩二百八十七卷重出已削去注異同為一作題



沈道士新亭

釋皎然

何處好攀躋新亭俯舊溪坐中千里近簷下四山低小浦  
依林曲回塘遠郭西桃花春滿地歸路莫相迷

冬日遙和盧使君幼平綦母居士遊法華寺高頂

同登臨湖亭

前人

仁芳標絕境庶守躡高蹤天見纔分刹風傳欲盡鍾城中  
歸路遠湖上碧山重水照千花界雲開七葉峯寒空艾綬  
蒲晴翠白<sup>雲</sup>綸濃逸韻知難繼佳遊恨不逢仍聞撫禪石爲  
我久從容

春日陪顏使君吉其卿皇甫會西亭重會韻海諸生

前人

爲重南臺客朝朝會魯儒暄風衆木變清景片雲無峯翠  
飄簷下溪光照坐隅不將簪艾隔知與道情俱

夏日集裴錄事北亭避暑

前人

前林夏雨歇爲我生涼風一室煩暑外衆山清景中忘歸  
親野水適性許雲鴻蕭散都曹吏還將靜者同

九日陪皇甫使君同泛江宴赤岸亭

張雷

羈旅逢佳節追遊雜詠作忽見招同傾菊花酒緩棹木蘭

橈平楚堪愁思長江亦雜詠作寂寥啼猿不離峽灘沸鎮如

潮舉目關山異傷心鄉國遙徒言歡蒲座誰覺客魂銷

西亭子言懷

張謂

數般芳草在堂陰幾處閑花映竹林攀樹玄猿呼郡吏傍



溪白鳥應家禽青山看景知高下流水聞聲覺淺深官屬  
不令拘禮數時時緩步一相尋

長安寶明府後亭

顧况

君爲長安令我羨長安政五日一朝天南山對明鏡鳥飛  
青苔院水木相輝映客至南雲鄉絲桐展歌詠吏人何蕭  
蕭終歲無喧競欲識明府賢邑中多百姓

秋題劉逸人林泉

疑

釋靈一

涼飈亂黃葉遲客橘陰清蘿逕封行跡雲門閉野情零林  
秋露響穿竹暮煙輕莫戀幽棲地懷君

疑作居  
或作安敗却名

題王班水亭

釋護國

湖上見秋色曠然如爾懷豈唯歡隴畝兼亦外形骸待月

歸山寺彈琴坐暝齋布衣閑自貴何用謁天階

謫居漢陽白沙口阻水雨因題驛亭

鄭常

漢陽無近遠見說過汾

一作  
盆

城雲雨經春客江山幾日程

終隨鷗鳥去祇待海潮生前路逢漁父多愁問姓名

友人山亭

殷遙

故人從薄官往往步清溪鑿牖對山月褰裳掃澗霓遊魚  
逆水上宿鳥向風栖一見桃花發能令秦漢迷

獨孤常侍北亭

張南史

背湓敞高明憑軒見野情朝回五馬跡更勝百花名海樹  
凝煙遠湖田見鶴清雲光侵素壁水影蕩閑楹俗賴褰帷  
謁人歡倒屣迎始能關結構獨有謝宣城



尋許山人亭子

奚賈

桃源若遠近魚子棹輕舟川路行難盡人家到漸幽山禽  
拂席起溪水入庭流君是何年隱如今成白頭

秋夜同暢當宿潭山一作西亭 盧綸

圓月出山頭七賢林下遊稍稍林葉墮艷艷月波流鳧  
共思曉菰蒲相與秋明當此中別一為望汀洲

題苗員外竹間亭 前人

高甃絕行塵開簾似有春風傾竹上雪山對酒邊人步暖  
先逢日書空遠見隣還同內齋暇登賞及諸烟

春日灞亭同苗員外寄庾侍郎 前人

坐見春雲暮無因報所思川平人去遠日暖鴈飛遲對酒

山長在看花鬢自衰誰堪登灞岸還作異鄉悲

題河中亭 見三百十六卷 薛能

撫州西亭 見二百三十一卷 戴叔倫

長沙北亭送梁副端歸京 前人

奏書歸闕下祖帳出湘東蒲座他鄉別何年此會同籍芳  
憐岸草聞笛怨江風且莫乘流去心期在醉中

題秦隱居麗句亭 前人

此人歸欲盡獨自住蕭山閉戶不曾出詩名滿世間

題邵端公林亭 權德輿

春光何處足柱史有林塘鴛轉風初暖花開日欲長畝池  
通野集作舊水掃逕閣新芳更置盈罇酒時時醉楚狂



洛陽河亭奉酬晉守群公追送 李逸

離亭餞落暉臘酒減征衣 集作春 歲晚煙霞重川寒雲樹微

戎裝千里至舊路十年歸還似汀洲鴈相逢又背飛

新安江亭 見二百九十三卷 章八元

登峴亭呈郎中 司空曙

一身放放向荆蠻平楚茫茫失路關 絕句詩選作峴山回

幾 還 日登臨唯有淚不知風景在何山 首望秦關南向荆州

秋夜宿西亭臨下 集作林下 稍稍 集作情

六月朔授於抱素書屋訂正一百十三字

文苑英華卷第三百十五